

## Language Reply to Samer our spoken language

مشتقلك!

انشالله مناح!

طبعاً تحياتي ع نشر هيك صورة الها علاقة بالجزور!

بس حبيب ضوي انو ما في شي اسمو عربية ارامية سريانية. ولا فينيقي. فينيقي هو الاسم اليوناني لكنعاني. والمفاجأة الجديدة من بعد سنة ال ٢٠٠٠ انو ارامي يعني كنعاني قبل ٤٠٠ م ويعني سرياني بعد ٤٠٠ م.. ففي يا عربي يا سرياني يا كنعاني.

بس اصلاً كل لغتنا المحكية ما حدا بيعتبرها عربي الا نحنا بالدول العربية، وھيك صارت المراجع الغربية (بشدّد: الغربية، مش بي العربية) تقول بالقرن ال ٢٠، لحد ما نكب الشغل عالفكرة بعد سنة ال ٢٠٠٠.

بمعاهد اللغات هي ببساطة كنعانية، أو عالطريق لتصير هيك، بس بطلت عربية. ما وقفت ع هل كم كلمة. كل الدارج! بغض النظر عن أصل بعض الكلمات. معظما الساحقة وقواعد اللغة هي كنعانية ولو موجود بعضها بالسرياني وبالعربي. الكنعاني قبل العربي ب ٢٥٠٠ سنة وقبل السرياني ب ٣٥٠٠ سنة لا بل العربي مساقبة طالع من الكنعاني، كما انو السرياني الغربي مساقبة انو نصّو كنعاني وطالع كسرياني من الأساس من لغة أكّدية مكنعنة... بس تسمية محكّتنا تشوشطت لفينيقي بعدان ارامي بعدان سرياني بعدان عربي... وهلق رجعوها بمعاهد اللغات من كم سنة.

صح ما في لغة لبنانية. في لغة كنعانية. ما في شعب لبناني سوسيوولوجياً بالتاريخ. اليوم في منها صنف لبناني وسوري وفلسطيني... هي اللغة المحكية. ما في شي اسمو "عربي دارج" بالعلم الا بقلب البادية (الرياض و صوب الخليج).. بدك تسأل بمعاهد اللغات الاوروبية مشان تتأكد. نحنا تأكدنا. لانو كل المراجع الكلاسيكية ولو مهما علا شأننا (بريتانيكا وكذا) ناخرتها السوسة يلي انتشرت بالقرن العشرين منذ النهضة العربية وما تلاها من تشويش حقائق خدمة للعروبة آنذاك.

(٢) نقطة ثانية: يلي عمرو ١٠٠ سنة هو الجمهورية اللبنانية. اما لبنان فهو ارض بهذا الاسم منذ ٥٠٠٠ سنة. وكان جزء من بلاد كنعان. استمر هيدا الاسم منذ الفتح الاسلامي فقط في جبل لبنان لدى مسيحييه المقاومين للمسلمين حولهم، (والاسلام لم يبالوا باسم لبنان) وهذا ما اوصل لان يكون لبنان اسم الجمهورية التي اسسها عملياً المسيحيون بقوة الجيش الفرنسي. اسم لبنان ما نوجد من ١٠٠ سنة. وهو أقدم من اسم سوريا ع فكر ا ب ٣٠٠٠ سنة. مش هم، انا عندي قرايب بسوريا بس الحقيقة لازم تنقال.